

Op 21 April 2016 skryf Rooimier

Op 21 April 2016 skryf Rooimier... Die Vrystaat het nie spoed nie!

As mens die hoërskole en die primêre skole se uitslae op hul onderskeie SA kampioenskappe ontlee, is dit opmerklik dat die twee provinsiale spanne altwee aan 'n te kort aan spoed ly!

<u>_</u>	<u>Op SA's</u>	<u>Op SA's</u>	<u>Op Interhoër</u>
100m	1ste	8ste	1ste
M /15	12.04	12.68	12.75
M /17	12.01	12.72	12.79
M /19	11.93	12.47	12.56
S /15	10.76	11.46	11.52
S /17	10.56	11.07	10.94
S /19	10.45	10.81	10.80

In die meeste gevalle sou die Vrystaatkampioen nie eens 8ste (m.a.w. in die finaal) op SA's kon kom nie!

Die toekoms lyk ook nie veel rooskeuriger nie: Op die SA Primêre Skole steek die Vrystaat ook sleg af in die naellope!

M/12	100m	2 in finaal	S/12	100m	0 in finaal
	150m	2 in finaal		150m	0 in finaal
M/13	100m	0 in finaal	S/13	100m	2de en 3de in finaal

	200m	0 in finaal		200m	1ste + nog 1 in finaal
--	------	----------------	--	------	----------------------------------

Hier is dit darem so 50/50%, maar ook nie juis 'n sterkpunt nie!

As ons vinnigste atlete nie kompetend in die naellope is nie, hoekom hardloop hulle dan in die naellope?

Hoekom skuif afrigters nie hierdie atlete na ander items waar hulle met hul beskikbare spoed beter sou vaar nie? Ek is van mening dat Mnr. X nie sy vinnigste atleet na 'n ander item sal aanbeveel nie, want hy rig naellope af, nie die ander item nie! Hy moet hou wat hy het – hy kan nie dit wat hy het weggee vir 'n ander afrigter om met die atleet te presteer nie.

Die atleet kon miskien in die hekkies of verspring of 400m beter, met die spoed tot sy/haar beskikking , gevaar het!

Die probleem is dat die skoolafrigtersgroep nie as 'n span funksioneer nie! Dit is eerder 'n kwessie van elkeen vir himself – en dit benadeel die atleet, die skool en die Vrystaat.

Die meeste skole wat goed vaar in atletiek BEPLAN hul atlete se sukses! Hierdie beplanning word gewoonlik deur die oorkoepelende Atletiekorganiseerder gedoen, want hy/sy kyk na die groter prentjie. Gewoonlik is hy/sy ook nie betrokke by die saak as afrigter nie ...en die meeste beplanning word aan die hand van die Joba-tabelle gemaak:

By die kleursport word die atleet blootgestel aan 'n verskeidenheid van items en die items wat die meeste punte behaal, word outomaties die atleet se items.

MAAR ons moet 3 stappies verder gaan:

Eerstens moet Atletiekorganiseerders 'n bietjie daardie prestasies aan die hand van Vrystaat- en SA-standaarde meet! Die item, wat die meeste tabelpunte kry, is nie outomaties kompetierend op provinsiale en nasionale vlak nie.

Tweedens moet ons kennis gaan soek! Daar is ander afrigters wie se atlete in 'n sekere item presteer. Kontak hom/haar en gaan steek kers op. Die Vrystaat is bevoorreg om die VSAAV kursus in Desember te hê – hulle het ook Itemkoördineerders, wat jou kan help om by ander ervare afrigters uit te kom. Dit moet nie net 'n skoolspanpoging wees nie – dit kan ook 'n Vrystaatspanpoging word! Ons moenie skaam wees om te vra nie, of bang wees dat jou atleet afgerokkel gaan word nie!

Derdens moet ons [hoërskool- en laerskoolafriegers] in die Vrystaat koppe bymekaar sit om mekaar te help om werklike naelloopers te ontwikkel! Eerstens moet daar talentidentifikasie wees, maar daarna moet ons alles in die stryd werp om daardie atlete te ontwikkel tot kampioene! Hier dink ek aan 'n simposium vir naelloopafrigers, met net die beste senior afrigers om ons die pad te wys!

In 2016 het die Vrystaat se hoërskoolspan derde [2015 was hul 2de] en die primêre skoolspan vierde [hulle was al 2de] op hul onderskeie nasionale kampioenskappe gekom! Al manier om ons verlore glorie te herwin, is om een van ons swakpunte in 'n sterkpunt te omskep! 'n Paalspringer is slegs 'n paalspringer en 'n gewigstoter is gewoonlik slegs 'n gewigstoter, maar 'n uitstaande naellooper kan 'n klomp items [100m, 200m, hekkies en aflos] dek!